

鎮東縣志

陳占甲題



鎮東縣志卷之三

荒務

荒務局

原放

續放一

續放二

續放三

墾務

招墾

催墾



驗照

田畝

荒務

綜覽鎮境南環洮河北繞羣山平原沃野水草豐美誠良好之殖民地也晚清積弱疆敵比鄰鞏固藩籬邊事日亟遂於光宣間置荒務行局於洮南開放科爾沁右翼三旗之荒移民實邊經營墾闢而鎮邑爲後旗鎮國公封地開放最晚復以蒙匪擾亂災患頻仍墾務不振有以也今者洮昂路成交通便利勞來日衆地價增高順機力導振興墾務將見荒漠盡闢滄海變作桑田阡陌相連甌脫悉成佳壤十年後之鎮東其發展之程度當不可以道里計矣述荒務

荒務局

科爾沁右翼三旗在哲盟中放荒最晚前清光緒二十八年始設蒙荒行局丈放前旗扎薩克圖王荒地三十年四月開放後旗鎮國公洮河南荒地三十二年丈放中旗圖什業圖王荒地三十四年六月開放鎮旗河北餘荒此即荒務局丈放鎮東荒地之始也斯年十月奉令裁併荒務局一切荒務事宜歸洮南府知府兼辦民國二年洮南府改洮南縣所有荒務暫由縣設科辦理民國三年改歸洮昌道兼辦迨洮昌道署移至遼源而荒務復由洮南縣設科辦理嗣以各縣墾務發達關於地畝訴訟課賦稽核均無根據可查紛請省署將各縣荒務由縣自行設科辦理以清手續而便考核省長王公岷源感於各縣此種實在困難情形遂於民國十四年六月間委科員陳占甲赴洮辦理結束將荒務局歷年經放各縣之一切荒務卷檔圖冊分發各縣僅兩閱月而事竣由此鎮東始自辦荒務彼時知事郭恩波以

倉卒接辦尙未設科迨前委員陳占甲於斯年冬來治鎮邑乃設墾務科專辦荒務及催墾一切事宜此荒務局之始未大概情形也

原放

蒙人世居塞外語言不同自爲風俗惟於政府之籌邊放荒雖無若何表示亦未公然反對雙方之結果良好荒務之成績頗佳試觀荒務局原放鎮旗本邑荒段事實可以知矣

前清光緒三十四年春荒務局擬推廣範圍丈放鎮旗洮兒河北餘荒以時機未至不果行是年四月間總辦毛祖模聞鎮旗印軍濟克吉特加卜以修公府及喇嘛廟虧銀六萬餘兩赴洮貸款寓慶陞號內旋有河北荒段內熟戶願貸數萬金意欲以地爲質阻撓出放該印軍因需款情迫已有成議當傳慶陞號執事李尙芝令勸阻並派員往晤歸偕該印軍至局毛總辦剴切開導始願遵舊章丈放惟需款窘迫必先暫貸三萬金以濟燃眉毛總辦以其款迫情急是一絕大關鍵迎機以導正在斯時且鑒於該旗河南荒段經前總辦張心田商放亦曾先有貸款因之成議於是往復磋商允貸一萬五千金由慶陞號商同各商號湊足

當即派員偕同印軍赴公府往晤鎮國公拉喜敏珠爾訂議妥協領得印文仍偕印軍回洮
付清款項一面遴派委員前往河北按照印文所開由洮河北沿長六十里西至扎薩克王
旗界東至扎賚特旗界詳細踏勘歷程七八日週行四百里該處荒段肥磽相間熟戶居十
之二三於四月初十日即據以繪圖貼說呈請督撫旋於五月十五日批准十六日咨請公
旗訂於六月初二日在五家子聚齊刻日行繩爲期五閱月共勘得生熟荒地四千三百二
十八方有奇編爲恭寬信敏惠五段上中下三等共四千五百九十八號此鎮東原放荒段
之實在情形也

續放一

自丈放鎮旗河北五段餘荒之後以領戶日多荒地漸闢復以北段寬闊平衍沃野佳壤彌望皆是留之無用棄之可惜遂由洮南知府兼總辦孫葆璫於清宣統元年商妥公旗續放餘荒南與原放荒界下地毗連北至本旗烏鴉站東北至扎賚特王旗界西南至本旗留界接扎薩克圖王旗界計中線南北長五十五里東西寬或七八十里或三五十里不等形如執圭按里闢方計得毛荒二千五百餘方其土質平地均係城甸崗上尙可耕種而沙土參半與原放之下等荒相同遂一律列作下等初編爲展字嗣改爲新字共二千六百七十五號照章招放焉

關照章辭狀

中興鳳凰之平必資諸將一將既許不勝降服其平國也我漢平其平六百十五
降生封星綱言信將軍二千五百騎衣其土賣平縣以封歸國土備其爵而通其
封并封京國王將軍信中歸南其封五十里其西其封八十里其西三十里不勝
封南其封鳳凰平其封鳳凰平其封鳳凰平其封鳳凰平其封鳳凰平其封鳳凰平
聖者其封之其封之其封之其封之其封之其封之其封之其封之其封之其封之
白文其封之其封之其封之其封之其封之其封之其封之其封之其封之其封之

續放二

蒙荒初放胥由荒務局往商公旗而後施行已見於原放之情形矣其由公旗自請開放者則自烏鴉站始先是公旗大興土木修造公府建築廟宇虧款至鉅加以日用浩繁整理無方雖有前放荒價亦入不抵出籌欸乏策遂於清宣統三年咨請荒局情願將烏鴉站荒段出放並懇將荒價盡數歸旗以便清理積欠償還貸款轉請批准實行丈放西南至扎薩克圖王旗界東南至新字段東北至烏鴉站留界地西北至本旗馬鞍山東西寬至五十七里南北長至五十四里有奇但烏鴉站荒土質雖佳以距縣較遠無人過問其後由慶陞號金州戶孟敖起等三股包段承領編爲明字共二千二百四十五號合二千五百二十五方亦一律列作下等此丈放烏鴉站荒大概情形也

一、前經奉不若此大恩恩報於大州府等處

林司孟道等三親恩恩承前錄後明不共二千二百四十正聯合二年五百二十五次合

前此並至五十親恩恩承前錄後明不共二千二百四十正聯合二年五百二十五次合

降下萬恩恩承前錄後明不共二千二百四十正聯合二年五百二十五次合

出京並至五十親恩恩承前錄後明不共二千二百四十正聯合二年五百二十五次合

大親官前此並至五十親恩恩承前錄後明不共二千二百四十正聯合二年五百二十五次合

四、自前經奉不若此大恩恩報於大州府等處

等親恩恩承前錄後明不共二千二百四十正聯合二年五百二十五次合

續放三

民元亂後公旗凋敝蒙人生計日窘維持旗務賑濟災黎不得不惟其所有之膏荒是賴以故該旗印軍壽明阿於民國四年特赴洮南就商於洮昌道尹兼荒務局總辦願開放烏鴉站西北之本旗馬鞍山荒地惟懇轉請援烏鴉站前例所得荒價仍盡數歸旗以舒困窘總辦允爲轉請旋奉令准於是年五月間實行丈放共分三段一段在馬鞍山之南東西寬十里南北長九里中留四方里之地作爲鎮基之用一段在馬鞍山之東東西寬約二十餘里南北長約十五里一段在敖蘭套拉稿山之南西南與扎薩克圖王旗毗連形如三角不可以道里計三段計地五百餘方編爲安字段共五百六十四號仍一律列作下等荒地焉

墾務

鎮東放荒設治於前清光宣間至民國四年冬已及七年之久先後所放之荒約計四十九萬晌有奇土質膏腴一經墾種莫不成爲上田乃考其墾務全境熟地與原放生荒比較所墾尙不及百分之三良可慨也

設治之初委員唐家瑋吳孝展兩任雖力謀墾闢招徠民戶奈以邊遠荒涼萑苻未靖漢人咸裹足不前僅恃土著及朝陽移來之蒙戶實屬人少荒多無裨於事復以共和肇造蒙匪亂作人民流離遷徙十室九空秋收無人春耕銳減民國二年祇得熟地一萬四千晌以上可資引證然民國三年熟地竟減爲一萬三千二百七十餘晌民國四年又減爲一萬二千五百十二晌一畝乃歷年墾熟地數不特未見加多反致減少推原其故由於蒙亂天災因而撩荒者有之惟恐初墾利薄納稅賠累放棄不墾者更居多數是以民國五年春知事陳

善有招墾局之組織以興墾務詎意甫經成立適值巴匪爲亂遂致成績甚渺民國六年季春知事張星桂蒞任之初調查全境荒務祇得熟地一萬一千三百餘晌感於鎮邑墾務之不興復設招墾局重訂招墾及催墾章程呈准施行後墾務稍見起色每年熟地微有增加民國十四年冬全境熟地增至二萬五千三百九十晌之多然與所放生荒四十九萬晌之數比較僅及百分之五以放荒十七年之墾務成績如此棄利於地殊失殖民實邊之道故今知事陳占甲於下車伊始即手訂驗照催墾章程期以五年將全境生荒盡數墾闢無餘本年春施行之後民戶漸集地價增高收效之迅速如此結果之良好可期此鎮東歷來墾務之大概情形也